

v. 8

D. Chinese.

(Last) Vol. VIII

111V. 201 (100)

河間劉守真傷寒論方卷下

習醫要用直格

諸證藥石分劑

臨川 葛 巖 編  
新安 吳勉學 校

麻黃散

麻黃一兩半去節湯泡 桂枝一兩削去皺皮 甘草半兩

去黃汁焙乾秤 右到如麻豆大每服五錢匕七匙也謂錢 水一盞半前至八分杏仁二十粒湯浸去皮尖 瀉去滓溫服津並同法

取微汗或溫病身煩痛小便不利者加白朮四分微汗之 益元散一名天水散 滑石六兩白 甘草一兩

右為細末每服三錢蜜多許溫水調下或無蜜亦可每時日三服或欲冷飲者新井泉調下亦得

解利發汗前葱白豆豉湯下每服水一盞葱白五寸豆豉五十粒煮取汁七分調併三四服以効

為度此藥是寒涼解散熱鬱設病甚不解多服無害但有益耳本世傳名大白散俗惡性寒發易

得之賤物而又不明素問造化之理故不取本草神驗之言而多不用焉若以隨證驗之乃凡人

之仙藥也何可缺歟○夫傷寒當汗則不可下當下則不可汗且如誤服此藥則汗自不出而

裏熱亦復不效亦有裏熱使得宣通而愈者也或半在表半在裏可和解而不可吐下發汗者若

服此藥多愈或不愈亦小減加涼膈散和解尤佳○或自當汗解者更加蒼朮粗末三錢同葱豉

煎湯調服尤良或孕婦不宜滑石麻黃桂枝單發汗即用甘草一兩蒼朮二兩同為粗末每服四

錢水一盞葱白五寸豉五十粒同煎至六分瀉去滓熱服併二三服取微汗是名逼毒散非孕婦

傷寒直格

卷下

亦可服或大白散加麻黃二兩去節如法煎服世云神白散○或逼毒散加麻黃與蒼朮等分去節。濟衆云青龍散○或青龍散更加滑石末與蒼朮二倍是為發汗之妙藥名曰大逼毒散此方唯正可汗者即用誤服之則轉加熱也或解利兩感煎涼膈調下益元散四錢○或下乳用豬肉麩羹粥飲湯之類調下四錢不拘時候日三服及宜食肉麩羹粥○催產溫香油漿調下五錢併二三服以產為度○或死胎不下者煎三乙承氣湯一服調下益元散五錢須臾更頻用油漿調益元散溫服前後俱下而胎下可活產母也凡難產或死胎不下皆由風熱燥滯斂結滯而不能舒緩故產戶不得自然開通也此藥力至則結滯頓開而產矣後慎不可溫補而反生燥熱也俗未知產後亡液損血疲痛怖懼以致神狂氣亂則陰氣損虛邪熱太甚而為諸熱證由不讀素問不知造化故不識證候陰陽反以妄為產諸虛百損便為虛冷而無熱也誤以熱藥溫補或見煩渴者不令飲水本雖善心為害多矣宜治病之道但以臨時審其臟腑六氣虛實明其標本如法治之而已矣此藥之常多用然須為效至大而俗以病異藥同將謂妄行反招侮慢今以黃丹加令桃紅色名曰紅玉散 加青黛令輕碧色名碧玉散 加薄荷葉一分名羅蘇散主療不殊收效則一俗目懵然何能別此可遠妄侮可顯玄功後之學者其究心焉

桂枝湯

桂枝 去皺

芍藥

甘草 等分 三

右剉如麻黃大每服八錢水一盞半姜三片棗三枚擘破煎至七分令去滓溫服續後啜熱稀粥溫覆令遍身微汗或暖也及初夏可加黃芩一兩名陽旦湯大熱之分及素有熱人可再加知母半兩石膏一兩為末或更加升麻一分禁生冷粘滑肉麩五辛酒酪息物等桂枝證反下之不成結胸及痞但腰滿証在者本方倍加芍藥大實痛者更加大黃半兩脉弱自利者不加

桂枝加葛根湯

桂枝 芍藥 甘草各六錢 葛根三兩

右如桂枝湯服 謂如桂枝湯對煎 服也下並做此

葛根湯

葛根 一兩 麻黃 泡去黃汁焙 桂枝 去皺芍藥 甘草 各兩

右如桂枝湯服

大青龍湯

麻黃 如前 石膏 為末 各桂 一分 甘草 一分 杏仁 十枚 湯去

右到如麻豆大抄五錢 水一盞 生姜三片 棗三枚 擘破前至半盞 瀝去滓 溫服 令身汗 濕未潤再

服

小青龍湯

麻黃 如前 半夏 湯洗 芍藥 細辛 乾姜 甘草 炙 桂枝 去皺 各五分 五味子 二錢

右到麻豆大 每服八錢 水一盞 半 生姜四片 煎至七分 絞汁 溫服 渴者去半夏 加栝蒌根三錢

微利去麻黃 加芫花 彈子大 噎者去麻黃 加附子二錢 泡以開佛熱結滯 小便不利少腹

滿者去麻黃 加茯苓四錢 喘者去麻黃 加杏仁 釀如此方 燥至溫 散其水以潤腸胃 臟腑之燥

以開發佛熱結滯者也

小柴胡湯

柴胡 去苗 秤 黃芩 甘草 人復 各三 半夏 六錢 泡

右到如麻豆大抄五錢 生姜三片 棗三枚 切煎至半盞 瀝去滓 溫服 日三小兒 一服作三服 諸藥

涼膈散

連翹 一兩 山梔子 大黃 薄荷葉 去毛 黃芩 各半 甘草 一兩 朴硝 一分

一兩 連翹 一兩 山梔子 大黃 薄荷葉 去毛 黃芩 各半 甘草 一兩 朴硝 一分

右為粗末每服二三錢水一盞蜜少許或無蜜亦可煎至七分濾去滓溫服熱甚者服四錢亦有可服一二十錢者治咽喉并涎漱加桔梗一兩荊芥穗半兩咳而嘔者本方加半夏兩每服生姜三片煎 嘔血者加當歸芍藥各半兩生地黃一兩淋者加滑石四兩茯苓一兩風眩者加川芎防風各半兩石膏三兩酒毒者加葛根一兩斑疹痘瘡加荊芥穗赤芍藥川芎防風桔梗各半兩三歲兒可服七八錢或熱甚黑陷腹滿喘急小便赤澀而將死者此一服更加大承氣湯約以下之得利立甦

凡言加者皆自本方加也但加者每服五七錢以意加減調理 兩感傷寒下證前後以退表裏之熱者煎本方四五錢調下益元散三四錢其本方皆能治此諸證但加即為效也

白虎湯

知母半兩 甘草一兩 粳米一合 石膏四兩為末

右剉麻豆大抄五錢水一盞煎至六分去滓溫服無時日三四服熱甚者服七八錢至十餘錢或眩或嘔或咳者加半夏半兩陳皮半兩每服用生姜三片煎服 或傷寒發汗不解脉浮者加蒼朮半兩名曰蒼朮白虎湯 或發汗或下後煩渴口乾或脉洪大或微惡寒者或不可下者或除可者之外並宜加人參半兩以調之名曰人參白虎湯

五苓散

猪苓去皮 茯苓 白朮各半兩 桂一分 澤瀉一兩

右為細末每服二三錢熱湯調下惡熱欲冷飲者新水調下或生姜湯調下愈妙或加滑石二兩甚或喘嗽咳煩心不得眠者更加阿膠半兩泡

桂苓甘露飲

桂半兩 茯苓 白朮各半兩 甘草炙 澤瀉 石膏 寒水石各一兩 滑石二兩如前

右為極細末。熟湯調下三錢。欲冷飲者。新水調下。或生姜湯調下。尤良。小兒服一錢。

白朮散

白朮去皮 茯苓去皮 人復 藿香葉淨各半兩 甘草炙一兩 木香一分 葛根一兩

右為細末。白湯調下三錢。若煩渴者。加滑石二兩。病甚者為粗末。每服一兩半。水一大升。煎至七合。絞汁放冷。從意續飲之。小兒尤宜。

四逆湯

甘草炙 乾姜各一兩 附子半個 去皮臍

凡用附子。以半兩重者佳。小者力弱。大者性惡。非稱處方之宜也。世皆美其大者。未知古人之有則也。

右到麻豆大。用水兩盞。煮至一盞。絞汁分溫二服。強實人二劑。作三服。或畜熱極深者。手足厥冷。則不宜此方。當以下之也。

茯苓半夏湯

茯苓去皮 生姜取汁各一分 半夏一錢

右到麻豆大。用水一盞。煎至四分。絞汁下姜汁溫服。

半夏橘皮湯

半夏泡如陳皮湯浸洗去穢 甘草炙 人復 茯苓 黃芩去腐心 葛根半兩 厚朴去皮各一分

右到麻豆大。用水三盞。生姜一分。切煎至一盞半。絞取汁。分四服。作一日食後溫服。

黃連解毒湯

黃連去頂 黃蘗 黃芩 大梔子各半兩

右到麻豆大。每服秤半兩。水一茶盞。煎至四分。絞取汁溫服。無時。日三四。以效為度。每一二服效。

或腹滿嘔吐或欲作利者。每服加半夏三枚。全用厚朴二錢。剉茯苓去皮。剉水一盞。半生薑三片。煎至半盞。絞汁溫服。名曰半夏黃連解毒湯。或欲急下者。本方加入承氣湯一服。生薑煎如前法。以利為度。一法為細末水研如小豆大。溫水下二十丸。治積熱勞欬瀉。利甚良。

瓜蒂散

瓜蒂 赤小豆 等分

右為細末。以香豉半合。豉水一盞半。煮取汁半盞。調下一錢。不吐加服。得快吐乃止。虛人不

宜。

大柴胡湯

柴胡去苗 大黃各半兩 黃芩 芍藥各半兩 半夏 二錢 枳實三錢生用

枳實不去穰為效甚速。下並同。

右剉麻豆大。分作三服。每服水一盞。生薑三片。棗三枚。煎至半盞。絞取汁溫服。未利再服。

大承氣湯

大黃 芒硝朴硝有芒頭者亦得 厚朴去皴 枳實各半兩

加甘草一兩。是名三乙承氣湯。

右剉麻豆大。分一半。用水一盞半。生薑三片。煎至六分。納硝煎一二沸。絞去滓。熱服。

凡前藥酒慢火煎沸。即下火為一沸。或言煎至幾分亦如此法。煎不可強火。耗去其水也。

凡病熱鬱其而冷。服寒藥則病能拒藥。多不能下。故經曰寒因熱用。未利再服熱甚者。此一劑分

大半。作一服。未利再服少半。熱更甚者。一劑都作一服。熱勢甚者。亦可併此二劑為一服。劑分劑為劑為

料方得利而效者。臨時消息。以利為度。消息謂損益多少也。

凡用藥多少。倣於此耳。



小承氣湯

大黃半兩 厚朴三錢 枳實三錢

右劉如麻豆大。作二服。每服用水一盞。生薑三片。煎至半盞。絞取汁熱服。未利再服。或微下者。一劑分作二服。或和胃氣不欲利者。一劑分為四五服。

調胃承氣湯

甘草 大黃 芒硝各半兩

右劉如麻豆大。分一半用水一大盞。煎至半盞。絞去滓。納硝煎一二沸。熱服。不利再服。

十棗湯

芫花慢火炒 大戟 甘遂各等

右為散。末用水一盞。肥棗十枚切開。煮取汁半盞。調下半盞。七強實人服一錢。七以意加減。快利為度。

桃仁承氣湯

桃仁湯去皮尖雙 芒硝半兩 大黃六錢 桂去皺皮 甘草各三錢

抵當圓

水蛭炒 蠱蟲炒 桃仁八粒 大黃一錢

右為細末。蜜和作二圓。用水一小盞。煮一圓。至六分溫服。晬時血未下者再服。

水蛭炒 蠱蟲炒去翅足 桃仁七枚 大黃一錢

右劉如麻豆大。分作二服。每用水一盞。煮半盞。絞去滓。溫服。未下再服。水蛭之吉丁結二切。水蛭也。蠱莫庶切。

茵陳湯

茵陳蒿 去塵一兩 一名山茵陳 半兩 山梔子 七枚 者十枚

右剉如麻豆大用水兩盞半慢火煮至一盞絞取汁溫服六分未利再服四分以利為度勢甚者作一服未利再作以意加減當下如爛魚肚及膿血膠膠等物及小便多出金色如皂角汁或見證將欲發黃者此一劑分作四服每服調下五苓散三錢凡治發黃亢越此法也

世俗有傳烙黃而愈者或此強實之人素本中氣不衰而及濕熱鬱之微者烙之而誤中強劫開發得開氣血宣通即作汗而愈或體質本虛濕熱結其則劫發不發而反致死者不為少矣莫若仲景法對證以藥致之則免致強劫不開而反誤人生命也及夫近世妄傳有寒極陰黃而內外極救其陽為害多矣設若病微而誤中開發得愈亦以鮮矣而傷生者不可勝言也大抵凡諸黃者有二一則濕熱氣而黃萬物皆然又如麥秀而黔雨濕熱過極則黃疸者也及水滲而天氣濕熱則草木將死而色變黃者也或病血液衰則虛燥熱太甚而身面痿黃者猶亢旱而草木萎黃也夫病燥熱而黃者當退熱潤燥而已此傷寒濕熱極甚而發黃者開結退熱雙利大小腑以除水濕則利加而愈也 合於林切

結胸而發黃者同陷胸湯各半服下之或誤服巴豆熱毒圓藥下之及損陰氣遂協熱利不止而發黃者同大承氣各半服下之亦有協熱利不止更或結胸而發黃者用茵陳五分同陷胸湯三分大承氣二分以下之或兩感發黃者本方加黃連解毒湯一服急下之或頭微汗小便利而微黃者濕熱微也宜此梔子蘄皮湯

大山梔子 十五枚 甘草 一錢 黃蘗 半兩

大陷胸湯

右剉如麻豆大此劑則作二服每服水三盞煮至一盞絞取汁分三次作一日服

大黃 芒硝各三錢 甘遂末三字

右到如麻豆大一劑分作二服每服用水一盞者大黃至六分內消至一二沸絞汁一字七半溫服未快利再服熱惡不利者以意加服

大陷胸圓

大黃半兩 葶藶三錢 芒消一分 杏仁十二個 草微炒 灰炒 色變

右大黃為細末下葶藶杵再羅研杏仁消如泥和圓如彈子大每服一圓入甘遂末三字白蜜半匙水一盞煮至半盞溫服當一宿許乃下未利再服

小陷胸湯

半夏四錢 湯洗全用 不到生 姜二錢 黃連二錢 枳實大者半個 惟到其壳子則不

右以水三盞煮枳實取汁一盞半內餘藥煮至一盞絞取汁一盞分兩次溫服以效為度

大黃黃連瀉心湯

大黃 黃連 黃芩各一 一法加生姜一分甚良

梔子湯

大梔子七枚 豆豉半合

右以水兩盞煮梔子至一盞半內豉煮至半盞絞汁溫服

凡加煮皆用梔子先煮

或吐者止後服 凡諸梔子湯皆非吐人之藥以其燥熱鬱結之甚而藥頓攻之不能開通則鬱發而吐因其嘔吐發開鬱結則氣通津液寬行而已故不須再服也

梔子厚朴湯

大梔子七枚 厚朴半兩 炙枳實二錢

右到如麻豆大以水一盞半煮絞汁半盞溫服

泛論

凡傷寒熱病下後熱不退下證尚在者再三下之以熱退為度雖熱退尚未痊愈者隨證調之凡下之前後或大汗將出或大汗已出是俗言好汗或汗後煩渴及諸吐瀉雜病一切煩渴者須以細細飲之渴未止者頻頻時與但不可過多以成留飲不散者也留飲一名水畜經曰積飲

夫留飲謂水液留積畜聚於內而不濕潤傳化者也夫腸胃燥熱大甚則結滯而氣液不能宣通故雖飲而難以止其煩渴也若以頻飲過多則水濕過極而腸胃燥熱佛鬱轉以加其水濕痞閉故成留飲而心腹滿痛或為吐瀉也

設若不與飲之則燥熱轉甚危而死矣

夫腸胃之燥濕猶地最勞適當其宜皆不可過與不及凡治病之道以調六氣陰陽使無偏頗各守其常平和而已嗟夫世俗或以妄為冷水寒藥水損脾腎隔卻大汗但令中外俱熱而欲望其作大汗者或大汗欲出腸胃燥熱煩渴及汗已出反慮水却大汗不與水者或氣弱久虛煩渴者或吐瀉煩渴者或產婦煩渴皆以妄為氣虛不可飲水也此乃未知古人云渴欲飲水為熱在裏也若夫正氣既衰邪熱燥甚而煩渴者若非水液寒藥滋潤救其殘陰退其邪熱則陽熱暴甚而為害甚大也不與水而反以大毒熱藥燥之寧無損者耶且如酒之體者水也此之飲水則過能多飲而旋能消散之外轉能發於渴者以其苦熱養於心火則陽盛陰衰而燥去水濕之體故旋能消散而善多飲水也其酒之善多飲者以其酒之熱毒若非復以水體勝之則亦少飲疾醉者強以飲多則燥熱太甚而多生病也然酒力之熱善消水體復制酒力以其熱力多於水體故飲多即熱醉而燥蓋水體勢力尚在則燥熱煩渴而病於酒也然酒之熱耗盡水體之外尚能燥熱煩渴為病况病於燥熱太甚而煩渴及不與水者豈不知其害耶况燥熱煩渴者腸胃易為佛鬱

當以退熱開結散水潤燥之藥調之免致燥熱太甚則佛營以成留飲雖多飲亦不止其腸胃臟腑之燥熱煩渴而成腸胃之內熱甚以成吐瀉也涼膈白虎五苓及桂苓甘露之散類隨證以調之也

或成留飲諸病者隨證燥之

宜小青龍湯五苓桂苓甘露黃連解毒湯小陷胸大承氣之類證本方論中

### 戰汗

夫熱病大汗將出而反寒戰者

古人以百病皆為雜病惟傷寒名曰大病俗言汗病是也經言大汗者非謂邪熱自汗大出者也乃陽氣怫鬱鬱結後得開通發散宣通則蒸蒸而為汗出是謂大汗言大病怫鬱邪毒之氣鬱極迺發以為汗出故曰大汗也故經曰大氣皆去病得已矣

表之正氣與邪熱并甚於裏大熱亢極而反兼水化制之故反寒慄也化謂造化

經曰少陰所至為驚或惡寒戰慄譫妄謂少陰君火熱氣之所至而為此等之病也又經曰諸禁鼓慄如喪神守皆屬於火注云熱之內作然禁俗作噤鼓振搖而動也言禁冷振慄反寒戰也經曰亢則害承乃制謂五行之道微者當其本此實其過亢則反兼勝己之化以制其甚者云天道之道其張弓乎高者抑之斯其道也經云水曰靜順謂靜而自己無為但順物之氣味也及方圓不與物爭乃至柔順者也水本寒寒極則水冰如地而能載物又經曰水發而雹雪是水寒亢極而反似尅水之土化是謂兼化也故病寒極者反堅滿也夫土主濕黔雲雨而安靜雨濕極甚則飄驟散落是反兼風木制其土濕也故經言瘕為濕極而反似風強病也○木主生榮而旺於春其氣濕其本風風大則反涼而毀折是兼金化制其木也故風病過極則中外燥濕皮膚皴揭反氣運行之燥澀而筋脉痠緩是反兼金化也○金主於秋而屬於陰其氣涼涼極則天氣清明而

萬物反燥。燥物莫若火。是金極反兼火化制之也。故為病血液衰少。燥金之化極甚。則反熱也。燥物莫若火。夏月火盛。熱極甚。則天氣暉昧。而萬物反潤。以出水液。林木流津。及體熱極而反出汗。液以火煉金。熱極而反化為水。是火極而反兼水化制之也。故病熱極則反出五濕。婦人帶下。淋瀝。及厥逆身冷。或為惡寒戰慄。而或反冷痛也。俗以帶下直言冷病。及惡寒戰慄。便為陰寒者。俗醫未知此也。夫天道造化。病微必當其本化。寒見水化。熱見火化也。病甚者。反以勝己之化。如寒極反似濕土。熱極反似寒水之化也。嗟夫百病之極甚者。其狀反似於己之相反者。俗醫不求其病之本氣。而百端擬疑。莫知真源。不得已而但隨兼化之虛象。妄為其治。反助其病。而害於生命多矣。以至舉世皆云。病至危極之時。則陰陽反變。而無能辨別也。殊不知但以運氣造化之理推之。則設若干變。萬化而歸其要則一也。何得有難易之二耶。故經曰。夫標本之有道。要而博。小而大。可以言一。而知百病之害。經又曰。善言始者。必念於終。善言近者。必知其遠。是則至數而道不惑。所謂明矣。故老子曰。不窺牖見天道。不出戶見天下。其出彌遠。其知彌少。蓋如要與不知要也。古聖曰。反常合道。謂古聖天理大道合同。而常俗之心。則有相反者也。然古聖道不離於俗者。謂道包於俗。而入俗也。又云。俗自離道者。常俗莫能合於道也。夫俗則有相。而道本無形者。正如五行之變化。微則守常。而本化自見。乃有相之。俗是化以自見也。其則反以勝己之化。乃無相。而反常合道。是謂變。以其取變於本化之相。而反見勝己之化也。變化之道多端。此則微甚。外相之變化也。故仙經曰。大道似不肖厚德。若不足。即藏其本相於內。而反變化勝己之化。於外無相。乃反常合於道者也。却以道眼觀之。則求其內也。若但以俗眼觀其外。則逐相而遷。何由得其要也。故聖經所論天地變化。與道合同。而俗無所慊。但隨俗見編集方論。有乖其理。祇合俗心。致使後人皆由說反。自以為是。而聖經之妙理。普然罔究。病者無辜。竟罹橫夭。吁可痛者。且如經言。陽勝則熱。陰勝則寒。俗直謂陽熱之氣勝。則發熱。陰寒之氣勝。則發寒者。皆經之本旨也。此言表裏之陰

陽正氣之虛實。言正氣勝者為不病，而不勝者為病也。故經曰：陰勝則陽病，陽勝則陰病。陽勝則熱，陰勝則寒。是謂表陽之正氣為不病，裏陰之正氣衰而為受病也。裏陰之正氣勝為不病，表陽之正氣衰而為受病者也。此皆熱在表，裏陰陽之部分者也。然病勝在裏為陽勝，虛病當發熱，故發熱為病，熱在裏，陽勝陰虛，下之則愈。汗之即死者是也。表熱裏和，則病當惡寒，為陰勝陽虛，汗之則愈。下之即死者是也。故熱在表為陰勝陽虛，而言惡寒之寒，則為寒也。熱在裏為陽勝陰虛，而言發熱之熱，則為熱也。故傷寒表熱，則惡寒當汗，裏熱則發熱而當下之。又經曰：重寒則熱，重熱則寒者，非謂病寒而極重反變也。此重言當有兩重惡寒，則不惡寒而惡熱，謂表熱惡寒為一寒也。若裏之陽和正氣又出之於表，則又當有一重惡寒，是謂重寒，則反不為寒而為發熱也。若表之正陽之氣與邪熱并入於裏，則為兩重發熱，則不發熱而後禁慄寒戰也。此反言陽和衛氣并之於表，陽分則病，氣之勝為陽勝也。病氣與衛氣并其於裏之陰分，則為陰勝也。此亦表裏之陰陽正氣之與邪熱相併，而以言為虛實也。然邪熱在於表，則惡寒而熱與裏之衛氣并之於表，則反煩熱也。邪熱獨在於裏，則發熱而表之正氣與邪熱并之於裏，則反寒戰也。故經云：陽虛則外寒，陰虛則內熱。此言不併者也。正氣虛而受邪熱，故言虛也。又曰：陽勝則外熱，陰勝則內寒。此言併者也。夫表裏陰陽之分，受其邪熱之所，在其沖和正陽之衛氣，又為邪熱相并，而為病之所。正氣轉實而不虛，故經言勝也。○故經瘧論云：陽氣并於陰，當是之時，陽虛而陰實，外無氣，故先寒慄也。陰氣逆極，則後出之陽，陽氣後併於外，則陰虛而陽實，故先熱而渴。又曰：併於陽則陽勝，併於陰則陰勝。陰勝則寒，陽勝則熱。是言表裏之陰陽熱氣之虛實，非寒熱陰陽之虛實也。故經曰：病在陽則熱，而脈燥在陰則寒，而脈靜。然氣并於內，而外無氣，故寒戰，脈不能燥，甚而沉細欲絕，靜或不見也。○夫瘧者，邪熱與衛氣并，則作發，而不并則休止也。故經曰：衛氣相離，或病得休，衛氣集則復病也。故又云：陰虛而陽實，實則熱矣。衰則氣復反入，入則寒矣。此祇言表裏之陰

陽氣不并者為虛而并者為實。其為病之氣者乃熱之一也。俗未明之。直以經言陰勝則寒。不明其經意。以病熱而反惡寒戰慄。便為陰寒之病。誤之久矣。其陰寒之為病者。脈遲細不煩渴。小便清白。吐利腥穢。屈伸不便。厥逆禁固。體寒而不熱。不惡寒。無戰慄者也。故經言人多病氣也。陽少陰多。故身寒如從水中出。又曰。人有身寒。湯火不能熱。厚衣不能溫。不凍慄。此是陰寒為病。而直云不凍慄。寒冷也。夫陽動陰靜。故經云戰慄動搖為陽。火熱氣以為病也。反寒冷者。亢則害。承乃制。是火熱極而反似寒水者也。故病寒戰者。反渴。及雜病而害戰者。多有燥糞也。及夫平人。冒寒而戰慄者。寒主閉藏。而外冒於寒。則裏熱。怫鬱。而表之陽和衛氣。以外寒逼入於裏。則陽并於陰。而寒戰也。夫恐極而戰者。經言五志過極。則勞傷本藏。恐為腎。故經曰。恐傷腎。然腎傷而虛。則腎火自甚而熱也。又經曰。恐則氣下。然陽生出行舒榮。故心火之志喜。則身心放肆。而陰主收藏。故腎水之志恐。則身心收斂也。夫恐則腎虛心實而熱。正氣收藏。陷下於裏。亦是陽并於陰。而寒戰也。夫酒噤而戰者。腸胃酒熱。未散。身表酒力已消。則陽熱易為畜熱。入裏。故但冒於寒。則陽并於陰。而寒戰也。夫欲汗而寒戰者。傷寒日深。表證罷。畜熱於裏。則發熱也。若表裏之正氣并入裏。則火熱無極。而反寒戰也。陰分陽熱之氣。逆極而後出之。陽則煩熱。而大汗作也。

世所謂交陽者。非陰寒交熱。以為陽熱也。乃怫熱畜之於裏。而鬱極過發。則交傳出之於表。之陽分。是謂交陽。而後作汗也。或怫熱過極。而不能交出於表者。是鬱極不發。否極不泰。即正氣衰。殘陰氣先絕。則陽氣後竭而死矣。夫欲汗而脈忽沉細。而或不見者。陽表正氣。并入於裏。故也。交陽而燥亂昏冒者。裏熱鬱極。過發而欲出。以怫鬱而陽之氣極。不能出。故氣亂。則神昏而燥擾也。○凡欲作汗。無問病之微甚。或以經新下者。或下證未全者。恒以涼膈散調之。甚者宜黃連解毒湯。或下後二三日。或未經下。腹滿煩渴。脈沉實。而有下證者。三一承氣湯下之。勢惡者。加黃連解毒湯下之。或已戰不快者。或戰後汗出不快者。或微戰數次。經大戰而汗不出者。乃并之。不甚而病之不速也。通宜三



一承氣湯或更加黃連解毒湯下之。以散怫熱而開鬱結也。○大法曰：脈浮不可下。傷寒病已有裏証，脈沉之下裏証尚在，脈漸浮至一二日汗不能出者，裏証鬱發之不峻病已。三乙承氣湯微下之。凡此諸可下者，或得利而汗使出者，或服藥而怫鬱頓然開發，先汗出而後利者，或利性但隨汗出，泄則氣和而愈，更不利者，說不快交不過而死者，止由裏熱極甚而不能開發也。故常以裏涼或下怫熱免致，但以其作汗而為邪熱耗絕陰氣而死也。或不戰而汗出者，衆不能盡而陽不并陰也。或戰而無汗而自愈者，津液已衰，以經發汗吐利，或自汗吐利亡液過多，則津液衰竭，無由作津，但氣和而愈也。

或不戰無汗而愈者，陽不并陰則不戰，津液已衰故無汗而已也。

世俗未知，而直以惡寒戰慄名陽熱氣虛陰寒實勝，因而為治，誤人多矣。

### 受汗

夫大汗將出者，慎不可恨其煩熱，而外用水濕及風涼制其熱也。

陽熱開發將欲作汗而出者，若為外風涼水濕所薄，則怫熱反入於裏而不能出，泄病多危極而死矣。

亦不可恨其汗遲，而厚衣壅覆，欲令大汗快而早出也。

怫熱已甚而鬱極乃發，其發之微則順，甚則逆，順則發易，逆則發難。病已怫熱作發而煩熱悶亂，更以厚衣擁覆太過，則陽熱暴然大甚，陰氣轉衰，而正氣不榮，則無由開發，即燥熱喘滿危而死矣。

### 汗後

雙解散 普解風寒暑濕饑飽勞逸憂愁思慮恚怒悲恐四時中外諸邪所傷，億覺身熱頭疼拘攣強痛，無問自汗無汗，增寒發熱渴與不渴，有甚傷寒疫癘汗病兩感風氣雜病，一切舊病作發三日。

裏外並宜服之。設若感之勢甚本難解者。常服三兩日間亦無不可。並無所損。或裏熱極甚。腹滿實痛。煩渴謔妄。緩喘急下者。以大承氣湯下之。三乙承氣湯亦妙也。○下後未愈。或證未全。或大汗前後逆氣。或汗後餘熱不解。或遺熱勞復。或感他人病氣。汗毒傳染。或中瘴氣。馬氣。羊氣。一切穢毒。并漆毒。酒食一切藥毒。及墜墮打撲傷損。痲痛。或久新風眩。頭疼。中風偏枯。破傷風。洗頭風。風癩病。或婦人產後諸疾。小兒驚風。積熱。瘡瘍。疹。痘。諸證。無問日數。但服之。周身中外氣血。宣通。病皆除。愈。水散各一半。風通聖散加天

防風 川芎

當歸 切焙 芍藥

薄荷 葉淨

大黃 麻黃 去根連翹

芒硝 別研各

石膏 別研

桔梗 各一兩

滑石 別研

白朮

山梔子

荊芥 葉

甘草 別研

黃芩 各一

右為籠末。每服五錢六錢。水一大盞半。入葱白五寸。鹽豉五十粒。生姜三片。煎至一盞。濾汁去滓。溫服。無時。日三四服。以効為度。常服三錢。水一中盞。煎六分。絞汁。溫服。不拘時。兼夜四服。設疹愈後。更宜常服。使病不再作。新病不生。並無過。竟無開。歲數。乃平人常服之仙藥也。凡人已衰老。則腎水真陰。損虛。即風熱燥鬱。其精血涸竭。枯燥而死。但以此藥扶補滋潤者。也。嗟夫。世俗反以妄傳。中年以上。火氣漸衰。止是虛冷。更無熱病。誤服熱毒之劑。害人無數。豈知識病之法。全憑勝證。以別寒熱。陰陽虛實。豈可以中年上下為則耶。此藥除孕婦及產後月事。經水過多。并泄瀉者。不宜服。或治雜病。亦宜治風熱極妙。一名通氣防風散。一名通解散。

傷寒傳染論

夫傷寒傳染之由者。由聞大汗穢毒。以致神狂氣亂。邪熱暴甚於內。作發於外。而為病也。則如西山記曰。近穢氣而觸真氣。錢仲陽云。步履豈穢之履。無使近於嬰兒。若聞其氣。則令兒急驚風。搖也。孫真人云。乘馬遠行至暮。當沐浴更衣。然後方可近於嬰兒。使不聞馬汗氣毒。不然。則多為天吊急驚風。搖也。故剝死馬者。感其毒氣。而成馬氣。丁黃之疾。皆由聞其毒氣之所作也。故聖惠方一法。大汗

出則懸樂於戶。辟其大汗穢毒。無使傷於人也。世以艾炷席隅者。皆其義也。多染親屬。憂戚侍奉之  
人勞役者。由其神氣怯弱。易為變亂故也。何以知傳染。脉不浮者是也。若誤以熱藥解表。不惟不解  
其病反甚。而危殆矣。其治之法。自汗宜以蒼朮白虎湯。無汗宜滑石涼膈散。熱散而愈。其不解者。適  
其表裏微甚。隨證治之。而與傷寒之法。皆無異也。

上海三馬路 千頃堂書局出版廣告

張介賓類經

十二本洋三元

校正溫病條辨

單洋二角五分

葉天士醫案存真

二本洋三角

喉科紫珍集

二本洋三角

齊有堂醫案

六本洋八角

吳氏痢症匯參

二本洋四角

雷少逸醫家四要

四本洋四角

新增疔瘡要訣

二本洋三角

陸亭圃冷廬醫話

四本洋六角

陳氏評批眼科銀海精微

二本洋四角

舒馳遠傷寒論

四本洋六角

校正女科輯要

二本洋二角

龐氏傷寒總病論

四本洋六角

校正外科輯要

二本洋三角

傷寒微旨論  
旅舍備要方合刻

單洋一角五分

全生指迷方

一本洋二角

洪氏集驗方

二本洋四角

小兒藥症直訣

二本洋二角

王孟英溫熱經緯

單洋二角五分

周慎齋幼科指南

二本洋四角

傷寒標本心法類萃卷上

河間劉守真編集

新安吳勉學校正

傷風

傷風之證頭疼項強肢節煩疼或目痛肌熱乾嘔鼻塞手足溫自汗出惡風其脈陽浮而緩陰浮而弱此為邪在表已上傷風之證皆宜桂枝湯第二次以解明傷寒汗出怕風而加項強痛者桂枝葛根湯第三傷風及無汗者雖已服桂枝湯反煩不解而無裏證者先刺風池風府却與桂枝葛根湯服之不若通用雙解散五十一免致有桂枝麻黃之誤傷風自汗白虎湯二十二金匱方太陽病無汗而渴者不可與白虎湯

傷寒

傷寒之證頭項痛腰脊強身體拘急惡寒不煩燥無自汗或致頭面目疼肌熱鼻乾或胸滿而喘手足指末微厥脈浮數而緊者邪在表以上傷寒之證皆宜麻黃湯第一以發其汗傷寒冒風頭目痛四肢拘攣比金散四十六不若通用天水散四十九或雙解散之類五十一甚佳無使藥不中病而益加害也○白虎合涼膈散二十三乃調理傷寒之上藥傷風甚妙

中暑

中暑之證身熱頭痛背寒而拮自汗煩燥大渴口乾倦怠而身不痛或時惡寒或畏日氣脈虛而弱無問表裏通宜白虎夏月感冒發熱煩渴五苓散二十四桂枝甘露飲三十四黃連香薷飲五十二或雙解散或裏熱甚腹滿而脈沉可下者大承氣湯下之或三一承氣湯尤妙半表半裏者小柴胡涼膈天水散

中濕

中濕之證一身盡疼重者發黃關節煩疼發熱身寒時或腹滿脹大便利脈沉而緩以上中濕之證

傷寒標本 卷上

先用雙解散微汗之。次用五苓散或淡滲散。桂苓甘露飲。曾用甘露飲不愈。却用黃連解毒則愈。問曰苦劑止土之甘。此屬土。故以火劑燥土。其病則愈。

風寒俱中

風寒俱中之證。頭痛項強。肢體疼。手足溫。為中風。反無汗惡寒。脈浮緊。為傷寒也。或頭項疼。腰脊強。身體拘急。指末微厥。不自汗。為傷寒。反煩燥而脈緩者。為傷風也。風則傷衛。寒則傷榮。榮衛俱傷。則表裏熱。甚者通宜以大青湯。或雙解散最妙。

內外傷寒

始得脈便沉而裏病。裏和者。內傷也。脈浮而表病。裏和者。外傷也。病在身體四肢為表病。病在胸腹之內為裏病。內傷通解散。外傷雙解散。內外一切所傷。通神散。然不若雙解散。以子和為之三法。至神。

一切汗候

風寒暑濕。飢飽勞逸。憂愁思慮。恚怒。四時中外諸邪所傷。但覺身熱。頭疼。拘倦。強痛。無問自汗。無汗。增寒發熱。渴與不渴。微甚。傷寒疫癘。汗病。兩感。風氣雜病。一切舊病發作。三日裏外。並宜雙解散。設若感之勢甚。本難解者。常服雙解散。三兩日間。亦漸可減。並無所損。或裏熱極甚。腹滿實痛。煩渴。譫妄。須可下者。三一承氣湯。為妙。或下後未愈。或下證未全。或大汗前後逆。氣或汗後餘熱不解。或遺熱復勞。或染他人病氣。汗毒傳染。或中瘴氣。羊氣。牛氣。一切穢毒。并漆毒。酒毒。食毒。一切藥毒。及墜墮打撲。傷損疼痛。或久患風眩。頭疼。中風偏枯。破傷風。洗頭風。風癩病。或婦人產後諸疾。小兒驚風。積熱。瘡瘍。疹症。無問日數。但以雙解散服之。周身中外氣血宣通。病皆除愈。然雙解乃通仙之藥。但除孕婦及產後月經過多。并泄瀉者。勿與服之。惟年老人最宜。自有造化於中矣。

傳染

凡傷寒痘癘之病何以別也蓋脈不浮者傳染也設若以熱藥解表不惟不解其病反甚而危殆矣其治之法自汗宜以蒼朮白虎湯無汗宜滑石涼膈散散熱而愈其不解者通其表裏微甚隨證治之而與傷寒之法皆無異也雙解散益元散皆為神方。

### 表證

凡表證脈浮身體肢節疼痛惡風惡寒者可汗之不可下也傷寒無汗麻黃湯傷風自汗桂枝湯一法不問風寒通用雙解散或天水散最妙。

### 裏證

凡裏證脈實而不浮不惡寒及惡風身不疼自汗譫語不大便或咽乾腹滿者可下之不可汗也以上之證宜小承氣湯大承氣湯調胃承氣湯選用之一法不問風寒暑濕或表裏兩證俱不見但無表證而有可下者通用三一承氣湯下之此藥發峻効使無表熱入裏而無結胸及痞之眾疾也或熱結極深而諸藥數下畢竟不能利不救成痼者大承氣湯加甘遂一錢匕下之病在裏脈沉細者無問風寒暑濕或表裏證俱不見或內外諸邪所傷有汗無汗心腹痛滿譫妄煩燥畜熱內盛但是脈沉者宜三一承氣湯合解毒湯下之解毒調胃承氣湯能瀉大熱。

### 表裏證

表裏俱見之證或半表或半在裏之證者謂前表裏二證病在相忝有欲汗之而有裏病欲下之而表病未解汗之不可吐之又不可法當和解傷風白虎湯傷寒中風或兩感小柴胡湯一法不問風寒暑濕用涼膈散天水散二藥合一服用煎解之或表熱多裏熱少天水一涼膈半或裏熱多表熱少涼膈一天水半表熱極裏有微熱身疼頭痛或眩或嘔不可汗吐下者天水涼膈散合和解之解之又不能退其熱者用黃連解毒湯表裏之熱俱微者五苓散表裏之熱俱盛者大柴胡湯微下之更甚者大柴胡合大承氣湯下之雙除表裏之熱服雙解散之後若不解病已傳變後三日在裏法

當下之殊不知下之太早則表熱乘虛而入裏遂成結胸虛痞懊懣發黃之證輕者必危危者必死但宜平和之藥宣散其表和解其裏病勢或有汗而愈或無汗氣和而愈用小柴胡涼膈天水合和主之病在半表半裏用小柴胡涼膈散合和而解之或小柴胡合解毒湯如服熱勢未退者大柴胡合三一承氣湯表裏俱微半表半裏若裏微者宜大柴胡合黃連解毒湯合服諸小柴胡湯證後病不解表裏熱勢更甚而心下急鬱微煩或發熱汗出不解心下痞鞭嘔吐不利或陽明病多汗或少陰病下利清水心下痛而口乾或太陰病腹滿而痛或無表裏證但發熱七八日雖脈浮而數而脈在肌肉實數而滑者並宜大柴胡湯病至七八日裏熱已甚表漸微脈雖浮數用三一承氣湯合解毒下之下證未全不可下者用白虎湯或知母石膏湯脈洪燥裏有微熱不可汗者用黃連解毒湯

汗後不解

凡是表證法當汗之依法汗之其病又不解汗後不解其證前後別無異證者通宜涼膈散調之以退其熱無使熱甚危極也除此之外遠勝小柴胡湯兩感至此而已汗後餘熱用益元散或小柴胡湯宣武人參石膏湯傷寒大發汗汗出不解反無汗脈尚浮者蒼木白虎湯解之傷寒用桂枝湯發後半日許復熱煩脈浮者再宜桂枝湯汗後不解下證未全者白虎湯汗後煩燥不得眠微熱而渴五苓散汗後不解中外有熱口乾煩渴柴胡飲子解表之後尚未愈者解毒涼膈天水散能調順陰陽洗滌臟腑

下後不解

凡是裏證法當下之依法下之其病又不解或大下後或再三下後熱勢尚甚而不退本氣虛損而不能實擬更下之恐下晚而立死不下之則熱極而死寒涼諸藥不能退其熱勢之甚者或濕熱內餘下利不止熱不退者或因大下後濕熱利不止而熱不退脈弱氣虛不可更下者或諸濕熱內餘小便赤澀大便溏泄頻併少腹而急痛者必欲作痢也通宜黃連解毒湯以解之傷寒下之太過胃



中無熱飲水無力。白朮散。又有大下之後其熱不退。再三下之熱愈甚。若下之不止。其人脈微氣虛。氣弱。不加以法。無可生之理。至此下之亦死。不下亦死。但用涼膈合解毒湯調之。陽熱退除。陰脈漸生。為之妙法。下之前後無間日數。餘熱不解。小柴胡湯。汗下後胃虛。大橘皮湯。汗下後胸膈滿悶。赤茯苓湯。

在上涌之

言病在膈者。當用瓜蒂散吐之。或表證罷。邪熱入裏。結於胸中。煩滿而飢不能食。四肢微厥。而脈乍急者。宜瓜蒂散吐之。傷寒頭項痛久不愈。令人喪明。胸膈亦有宿痰故也。當先涌之。次以白虎湯加減。在下泄之。言病畜熱下焦。則承氣抵當之類。泄之而可也。

合病

三陽合病。腹滿身重。難以轉側。口燥而垢。譫語遺尿。如誤發汗。則譫語益甚。下之則便厥。額上汗出。後必發黃。白虎湯。

兩感

兩感謂一日太陽少陰兩證俱見。二日陽明與太陰俱病。三日少陽與厥陰俱病。前六經之證是也。小柴胡湯。涼膈散。五苓散。天水散。通聖散。雙解散。大柴胡湯。可選用之。熱勢甚。欲可下者。三一承氣湯。或解毒合承氣湯。

瘧病

瘧之為病。發熱腹滿。口噤頭搖。瘰癧不語。項強背直。腰身反強。或目痛。或目赤。或閉。或反目。或足溫。或妄行其脈沉弦而遲。或帶緊者。無汗曰剛。瘧有汗曰柔。瘧通宜三一承氣湯。合解毒下之。

頭疼

頭疼之證無問風寒暑濕雜病自汗頭疼俱宜白虎湯。或加川芎、荆芥、尤妙。頭疼久不愈必致喪明。宜先涌痰。次用白虎加減風眩痰逆喘嗽頭痛。半夏茯苓湯。頭痛肢體痛。黃連解毒湯。頭疼口乾。桂枝甘露飲。風痰喘嗽頭疼。白虎半夏橘皮湯。風熱頭疼。心煩昏憤。人參石膏湯。傷寒壯熱頭疼。不卧散。

身疼

身疼之證無問風寒通解散表熱。其頭項肢體疼痛。黃連解毒湯。傷寒瘟疫。遍身疼痛。少力頭旋。腰脚府重。嘔噦壯熱減食。三一承氣減硝。加貫衆、紫河車。入金銀煎。名銀煎散。中濕周身盡痛。五苓散。

腹脹滿痛

腹脹滿脈沉者。以三一承氣湯。合解毒下之。諸腹滿實痛。煩渴譫妄。脈實數而沉者。無問日數。三一承氣湯。少陽證腹中痛者。小柴胡去黃芩。加芍藥湯。少陽證脇下痞鞭者。小柴胡去棗子。加牡蠣。太陰證腹滿時痛。桂枝加芍藥。痛甚加桂枝、大黃。

往來寒熱

往來寒熱屬少陽。一日二三作。來往無期。用小柴胡湯主之。

潮熱

潮熱屬陽明。一日一發。日晡而作也。陽明裏熱極甚。或吐下後不解。大便五六日。至十餘日。日晡潮熱。心胸煩熱。而懊憹如瘧狀。脈沉實者。三一承氣湯。陽明少陽合病。下利日晡發熱如瘧者。大柴胡湯。通宜三一承氣合解毒。

自汗

自汗者。不發表解。肌自出汗也。傷風自汗也。傷風自汗。桂枝湯。傷寒自汗。脈沉數而實。表裏俱熱者。三陽合病自汗者。厥逆自汗者。頭疼自汗者。傷寒自汗未解。半入於裏者。中暑自汗。脈虛者。俱宜白

虎湯傷寒寢汗不止白虎湯加麻黃根浮麥傷寒汗下後自汗脈虛熱不凸白虎加人參蒼木服之汗止身涼通仙之法也

中暑自汗白虎湯後以澹滲湯調之自汗多宣武人參石膏湯

自利并誤下

自利者不經下藥攻裏而自利也麻浮表不解自利或小便不利者五苓散一切瀉痢間作桂苓甘露飲溫濕內甚而作痢者黃連解毒湯或自利清水色純青心下痞痛口燥者皆濕熱相搏於腸胃之內而成下利者三一承氣湯當汗而反下反不成結胸而但下利清穀不化表證在表熱裏寒也急以四逆湯溫裏利止裏和急以桂枝解表或用巴豆熱藥下之而協熱利不止皆宜五苓散止利兼解表

小便不利

小便不利者小便難而赤澀也中暑并傷寒大發汗後胃中乾煩燥不得眠脈浮小便不利微熱煩渴者口乾煩渴小便不利者小便赤澀通宜五苓散桂苓甘露飲主之

嘔吐

凡嘔吐者火性上炎也無問表裏通宜涼膈散傷寒雜病一切嘔吐調胃承氣湯煩悶乾嘔黃連解毒湯嘔吐煩渴者桂苓甘露飲五苓散散眩咳嘔者白虎加半夏橘皮傷寒嘔吐四肢厥逆清冷調胃散濕溫內甚惡心嘔吐者白虎合解毒湯

吐瀉

吐瀉者上吐下瀉亦名霍亂也一切吐瀉霍亂通宜五苓散血元散白木散吐瀉霍亂煩渴并中外諸邪所傷而吐瀉腹滿痛悶者並皆桂苓甘露飲淡滲湯

喘嗽

大熱喘嗽而滿者。黃連解毒湯。或熱甚咳嗽悶亂。三一承氣湯。少陽咳者。小柴胡去人參。大棗生薑。加五味子乾薑。喘嗽頭疼者。茯苓半夏湯。咳嗽者。白虎湯。加半夏桔梗。咳嗽不已。人參石膏湯。或宣武人參石膏湯。痰逆咳嗽。半夏橘皮湯。汗之後氣悶咳嗽。五味子湯。

渴

凡口乾煩渴者。傷寒汗出而渴者。飲水反吐。名曰水逆。俱宜五苓散。少陰病二三日。口燥咽乾。三一承氣湯。或裏熱燥甚。傷寒怫鬱。留飲不散。煩渴不止。則腹高起痛不可忍。但嘔冷涎。大渴不能飲。飲亦不能止。其渴喘急。悶亂但欲死者。三一承氣湯。熱下咽立止。其渴有若無病之人。須臾大汗而愈。至此往往多有不利而汗出。亦有藥力。但隨汗之宜通不利而愈。或汗吐下後煩渴。口乾脈浮。大白虎湯。加人參煩燥多渴。涼膈散。加滑石。

煩燥

傷寒煩燥多渴。涼膈散。加滑石中。暑傷寒汗後煩燥。五苓散。一切火熱狂躁喘滿。黃連解毒湯。煩燥而渴。白朮散。或加滑石。甚者加薑汁。

懊懣

虛煩

不得眠

懊懣煩心。反復顛倒。不得眠者。煩熱怫鬱於內。而氣不能宣通也。或胸滿結痛。或煩微汗出。虛煩者。梔子湯主之。或氣少者。加甘草一錢。或嘔者。及初懊以圓藥下者。加生薑半兩。凡懊懣虛煩者。皆用涼膈散甚佳。及宜湯濯手足。使心胸結熱宣散而已。心煩腹滿。坐卧不安。梔子厚朴湯主之。或陽明病下之後燥熱而懊懣者。三一承氣湯。汗後煩燥不得眠。五苓散。或涼膈散。口燥呻吟。錯語不得眠。五苓散。黃連解毒湯。煩心者。涼膈散。少陽證。胸中煩而不嘔者。小柴胡去半夏人參。加瓜蒌實主之。

留飲

一切留飲不散。五苓散。桂苓甘露飲。黃連解毒湯。涼膈散。白虎湯。小陷胸湯。三一承氣湯。選用。傷寒

表未罷。心下有水氣。乾嘔發熱而咳。或嘔或利。或噎。或小便不利。小腹滿。或喘者。小青龍湯。

傷寒表裏俱熱。下證未全。法當和解。誤下之。蚤則成痞。心下痞滿而不痛。按之虛軟者。痞脈浮而尚惡寒者。表未解也。當先桂枝解表。已而後用大黃黃連瀉心湯攻痞也。或只用五苓散。使除表裏甚良。或痞惡寒而汗出者。或痞而煩小。便不利者。或痞留飲濕熱下利者。或已成痞。因藥尚不止。以其痞滿誤更下之。其痞轉甚。嘔噦下利。心煩躁者。無問痞脈浮沉。並宜生薑煎湯調下五苓散。頻服之。或痞不已。則後亦濕熱煩滿。或譫妄脈沉無他症者。宜大黃黃連瀉心湯。或小陷胸湯亦可。下早成痞。檳榔散。

結胸

結胸之證有三。不按而痛者。名大結。按之而痛者。名小結。胸心下怔忡。頭汗出者。名水結胸也。汗下之後不大。便五六日。舌乾而渴。日晡少有潮熱。從心下至小腹。鞭滿而痛。不可近。而脈沉緊。滑數。或但關脈沉緊者。宜大陷胸湯。或陷胸員下之。或脈浮者。表未罷也。不可下。下之則死。宜小陷胸湯。及小柴胡湯之類和解之。表罷者方可下之。或結胸雖脈浮而裏熱勢惡。須可下者。宜三一承氣湯。分作三次。約三時許服。訖得利甚良。雖未稍減脈必沉。病微者。止用三一承氣半服。按法而下之。裏熱甚者。以大陷胸湯大半服而下之。或但結胸別無大股熱證。但頭微汗出。脈沉澀者。水結胸也。通宜大陷胸小結胸。心下按之而痛。脈浮而滑。別無大股熱證。及水結胸者。小陷胸湯。傷寒下之太早。結胸黃連解毒湯。加枳殼傷寒結胸虛痞涼膈散。加枳殼桔梗。或但自熱結胸者。其胸高起。腹雖不滿。而但喘急。悶結譫妄昏冒。關脈沉數而緊者。用大承氣湯。加甘遂一錢。匕下之。表證罷。熱入裏。結於胸中。煩滿而飢不能食。微厥而脈乍緊者。瓜蒂散吐之。太陽中風下利嘔逆。表證罷。乾嘔短氣。不惡寒。熱熱汗發。作有時頭痛。心下痞鞭滿引脇下痛者。十棗湯。結胸而發黃者。茵陳湯。陷胸湯各半服。

傷寒標本

卷上

下之協熱下利不止更結胸發黃茵陳湯五分。陷胸湯三分。大承氣湯二分下之為佳。脈浮不可下者。小陷胸湯合小柴胡湯。

血證

太陽病日深。表證仍在。循經熱蓄於下焦。脈微而深。不結胸而發狂者。熱在下焦。小腹當鞭滿。小便自利也。血下而愈。宜攻之。或太陽病身黃。脈沉者。循經而蓄熱下焦也。小腹鞭小。便不利為無血。小便自利如狂者。瘀血證。或陽明蓄熱內甚而喜妄或狂。大便雖鞭而反易其色者。有蓄血也。或無表裏證。但發熱日深。脈浮者亦可下。或已下後。脈數胃熱消穀善飢。數日不大便。有瘀血也。並宜抵當湯下之。傷寒有熱。小腹滿。小便自利者。為有血也。當下。未敢用湯。用抵當丸。最為穩當。太陽病不解。而畜熱下焦。先以桂枝解表已而下血。宜桃仁承氣湯。或抵當圓攻之。傷風汗下不解。執鬱經絡。隨氣湧泄為衄。或清道閉流。入胃。脫吐。出清血及鼻衄。吐血不盡。餘血停留。以致面黃。大便黑。犀角地黃湯。發狂加黃芩大黃。

諸語

三一承氣湯。合解毒湯下之。若傷寒過經。諸語以有熱也。當以湯下之。若利小便。大便當自。嘗以圓藥下之。非其治也。若自利者。腹當厥。今反和。此為內實。調胃承氣湯。或涼

飲不散。以致濕熱相搏。而身體發黃。其候但頭汗出。身無汗。臍頭而體發黃。宜茵陳湯調下。五苓散。散結胸而發黃者。茵陳同陷胸湯各半下。損陰氣。遂協熱利不止。更或結胸而發黃者。用茵陳湯五分。陷胸湯三。感發黃者。用茵陳湯加黃連解毒湯。一服急下之。頭微汗。小便利而發微。

黃者濕熱微也。梔子蘄皮湯發黃甚者。茵陳合三一承氣湯。

發斑

發斑下證未全。涼膈散未曾下。胃熱發斑。白虎湯加入參白朮。陽明胃熱發斑。脈沉煩可下者。三一承氣湯下之。傷寒胃熱發斑。涼膈散加滑石調五苓散甚妙。傷寒七八日發黃有斑。微熱腹滿者。或痰實壅上。雖諸承氣湯不過者。仲景曰寸脈浮滑者可用瓜蒂散吐之。

發狂

傷寒發狂奔走罵詈不避親疎。此陽有餘陰不足。三一承氣湯。加當歸薑棗名當歸承氣湯。以利數行候微緩。以三聖散吐之。後用涼膈散洗心散。黃連解毒湯調之。譫妄發狂踰垣上屋赴井投河。皆為陽熱極甚。用三一承氣合解毒下之。驚悸顛狂。三一承氣湯發狂甚。投河入井者。三下不過不可下攻。使當涌之以瓜蒂散吐出痰涎宿物一掃而愈。後以甘露飲之類調之。

發戰

凡熱病。大汗將出而反寒戰者。表之正氣與邪氣併甚於裏。火熱亢極而反兼水。化制之反為寒戰。脈微欲絕者。三一承氣湯。或十棗湯下之。凡欲作汗。無問病之微甚。或已經新下者。或下證未全者。但以涼膈散調之。甚者黃連解毒湯。或下後二三日。或未經下。腹滿煩渴。脈沉實而有裏證者。三一承氣湯下之。勢惡者加黃連解毒湯。或戰不快者。或戰後汗出不快者。或戰數次經大戰而汗不當者。乃拜之不。甚而法之不達。通宜三一承氣湯。或更加黃連解毒湯下之。以散怫熱而開鬱結也。

發厥

或表熱極甚。而恐承氣不能退者。或已下後而熱不退者。或畜熱內甚。陽厥極深。以陽氣怫鬱。不能營運於身。表四肢以致通身清冷。痛甚不堪。項背拘急。目青睛疼。昏眩恍惚。咽乾。或痛。躁渴。虛汗。嘔吐下利。腹滿實痛。煩冤悶亂。喘急。鄭聲。脈雖疾。數以其畜熱極深。而脈道不利。反致脈沉細而欲絕。

俗未明其造化之理而反謂其傷寒極陰毒者或始得之陽熱暴甚而便有此證候者或兩感熱勢甚者通宜解毒加入承氣湯下之熱不退者宜再下之然雖古人云三下之而熱不退即死矣亦有按法以下三五次利一二十行熱方退而得活者免致不下退其熱而必死也下後熱少退而未愈者黃連解毒湯調之或失下熱極以致身冷脈微而昏冒將死者若急下之殘陰暴絕而死蓋陽氣後竭而然也不下亦死宜涼膈散或黃連解毒湯或二藥合服或白虎合涼膈散養陰退陽積熱漸以宣散則心胸溫煖脈漸以生至於脈復有方可以三一承氣湯下之或解毒加六一散調之愈後宜服退熱之藥忌發熱諸物裏熱脈厥者宜白虎湯熱極厥深而諸藥下畢竟不能利者不救必死黃連解毒湯更加甘遂末一錢匕下之

循衣摸床

陽明病脈遲汗出不惡寒身重短氣狂語如見鬼狀劇者發則不識人循衣摸床惕而不安直視微喘三一承氣湯

勞復食復

汗下後勞復柴胡飲子飲酒復劇黃連解毒湯或雙解加黃連在裏者三一承氣湯在表者血元散或雙解散半表半裏大柴胡湯小柴胡湯涼膈散解毒湯隨證用之食復三一承氣湯



傷寒標本心法類萃卷下

河間劉守真編集

新安吳勉學校正

麻黃湯

一

麻黃六錢 桂枝四錢 甘草二錢 杏仁七枚

右作二貼。水二鍾。煎八分。取汗麻黃性熱。惟冬及春兼病人。素虛寒者。乃用正方。夏至之後。服之必發斑黃。須加知母半兩。石膏一兩。黃芩一分。桂枝加減月令同。

桂枝湯

二

桂枝 芍藥各二錢半 甘草一錢半

右作一貼。薑三片。棗一枚。煎服。取微汗。倍加芍藥。名桂枝芍藥湯。加大黃。名桂枝大黃湯。金匱方曰。太陽病。自汗而小便數者。不可與桂枝湯。

桂枝葛根湯

三

桂枝 芍藥 甘草各二錢半 生薑四錢 大棗二枚 葛根二錢

右作二服。水煎。取微汗。

葛根湯

四

葛根一兩 麻黃三錢 生薑三錢 桂枝 甘草 芍藥各二錢 棗一枚

右作二貼。水煎服。衣覆。取汗為度。

升麻葛根湯

五

升麻 乾葛 芍藥 甘草各三錢

右作二服。水煎。若大段寒。即熱服。若熱即溫服。身涼為度。

大青龍湯

六

麻黃

石膏錢各四桂枝一錢甘草同上杏仁三枚

右作二貼薑三片棗一枚水煎取微汗不可太過恐亡陽以溫粉撲之

小青龍湯

七

半夏六分北五味二錢麻黃

芍藥

細辛

甘草

乾薑

桂枝各一錢

右作二貼生薑四片水煎諸方皆不用生薑

大柴胡湯

八

柴胡三錢黃芩一錢將軍七錢芍藥錢半半夏一錢枳實二錢

右作一貼生薑五片棗一枚煎大柴胡合三一承氣湯合黃連解毒湯合大承氣湯

小柴胡湯

九

柴胡八錢黃芩

甘草

人參各三半夏一錢

右五錢生薑五片棗一枚煎溫服

一法本方合涼膈天水

一法本方合涼膈散

一法本方去棗子加牡蠣

一法本方去人參大棗生薑加五味子乾薑

一法本方去半夏人參加括萸實

大承氣湯

十

芒硝錢二厚朴四錢枳實三枚

右作一貼水二鍾先煎厚朴枳實次下大黃煎取八分去滓入硝煎一二沸放溫服

一法本方加甘遂末一錢匕

調胃承氣湯

十一

大黃三芒硝二甘草一錢

右作一貼水二鍾煎溫服

小承氣湯 十二

大黃三 厚朴半錢 枳實一錢

右作一貼水二鐘煎溫服

三一承氣湯 十三

大黃二 芒硝半錢 厚朴錢半 枳實一錢 甘草二錢

右作一貼水煎溫服

一法本方減硝加貫眾紫河車入金銀煎名銀煎散 一法本方加當歸薑朮名當歸承氣湯

桃仁承氣湯 十四

桃仁炆皮 芒硝錢半 大黃二錢 桂枝 甘草各半

右作一貼水煎空心服

犀角地黃湯 十五

犀角 白芍藥 牡丹皮各五錢 生地黃四錢

右作一貼水煎有熱加黃芩一錢發狂血證加大黃本方無大黃血證內有

大陷胸湯 十六

大黃二錢 芒硝半錢 甘遂一分 些小便是

右作一貼水煎溫服未快再服勢惡不利以意加之

大陷胸湯 十七

大黃半兩 芒硝半錢 葶藶二錢 杏仁炒 枳實炒

右大黃末下葶藶枳實羅研杏仁芒硝如泥圓如彈子大每服一九入甘遂末三字白蜜半匙水一

鐘煎至半鐘溫服當一宿未利再服

傷寒標本

卷下

小陷胸湯 十八

半夏

黃連

括蕒實 一枚四分用之二

右作一貼水煎溫服未利再服微利黃涎即愈

一法本方合小柴胡湯

抵當湯 十九

水蛭炒

蟲蟲各七箇去足翅炒

杏仁十枚 大黃半錢

右作二貼水煎再服

抵當圓 二十

水蛭炒

蟲蟲各七箇去足翅炒

杏仁七枚 大黃半錢

右細末煉蜜作二圓用水二鍾煎一圓至六分溫服。晡時血未下再服。

黃連解毒湯 二十一

黃連

黃蘗

黃芩

梔子

每服五錢水煎溫服

本方合大承氣湯

一法本方加枳殼

本方合三一承氣湯 一法本方加甘遂末一錢七本

方合調胃承氣湯

一法本方合涼膈天水散

白虎湯

金匱方云太陽病無汗而渴者不可服

知母

半兩 甘草一兩

粳米一合 石膏四兩

右五錢水煎溫服

一法本方加蒼朮

一法本方加入參蒼朮

一法本方加半夏橘皮

一法本方加半夏桔梗

一法本方合解毒湯

一法本方加入參白朮

一法本方合涼膈散

一法本方加麻黃根淨麥

涼膈散 二十二

連翹一兩 黃芩半兩 梔子半兩 甘草半兩 朴硝一分 薄荷 大黃半兩

右五錢水煎入蜜少許

一法本方合解毒湯 一法本方加滑石 一法本方加桔梗枳殼 一法本方合天水散 一

法本方加滑石調五苓散

五苓散 金匱方云陽明病汗多而渴者不可服

猪苓 伏苓 白朮 五錢 桂心一分 澤瀉一兩

右或調或煎

一法本方加生薑汁調服

澹滲湯 即五苓合益元是也 二十五

瓜蒂散 細剉炒 赤小豆 等分 又用茶少許 二十六

右為末豆豉半合 水一觥半煮汁半觥調下一錢匕不吐加服 頭痛加鬱金 脇痛蝎稍

三聖散 見吐門 二十七

食前先用食鹽汁半觥後調藥服一半用鵝翎探引吐出如吐少更以執鹽汁投之不已用麝香煎

湯服半觥立止

梔子湯 二十八

大梔子七枚 豆豉半合

右以水煎梔子至一盞半入豆豉煮至半盞溫服

梔子蘘皮湯 二十九

大梔子 十五枚 黃蘘 半兩 甘草 二錢

右咬咀水二鐘煎

梔子厚朴湯 三十

大梔子七枚厚朴半兩枳實二錢

右咬咀水煎

十棗湯 三十一

芫花

大戟

甘遂等分

右為末水一觥棗十枚劈開煮汁半觥調藥末半錢七實者一錢七

茵陳湯 三十二

茵陳一兩大戟半兩梔子十枚

右五錢水煎

本方合陷胸湯

本方合大承氣湯

本方五分陷胸湯三分大承氣二分

本方合解毒湯

大黃黃連瀉心湯 三十三

大黃

黃連

黃芩等分

右五錢方煎

一法加生薑甚良

桂苓甘露飲即五苓散加寒水石石膏 三十四

右為末或溫湯或新水生薑湯調或煎

一方不用猪苓

一方加甘草

一方有人參藿香木香葛根滑石甘草共二十三味一名桂苓白朮散

人參石膏湯 三十五

人參二錢

白朮半兩

知母半兩

黃芩三錢

川芎半兩

茯苓半兩

半夏

山梔三錢

甘草一巨

石膏 三兩

右咬咀薑煎

極宣武人參石膏湯 三十六

人參二錢 石膏一兩 川芎二兩 黃芩二錢 茯苓

防風錢三 甘草五錢

右五錢水煎

半夏橘皮湯 三十七

半夏 陳皮 甘草 人參 茯苓

厚朴各半 葛根半兩

右五錢薑五片

茯苓半夏湯 三十八

茯苓 半夏 生薑各一錢取汁索門證用水一大盞煎至四分絞汁却下生薑汁服

右水煎 一方加黃芩甘草陳皮各一錢

大橘皮湯 三十九

陳皮 甘草各一兩 人參二兩

右五錢薑三片

赤茯苓湯 四十

陳皮 甘草各一兩 人參二兩 半夏 白朮

川芎 赤茯苓各半兩

右五錢薑五片

檳榔散 四十一

檳榔 枳殼等分

右為末三錢黃連煎湯調下或黃連解毒湯調下或瀉心湯調下

白朮散 四十二

白朮 茯苓 人參 藿香各半 甘草 葛根各一兩 木香二錢

右末白湯調下二錢熱加滑石或加生薑

四逆湯 四十三

甘草一錢 乾薑一分 附子中者半箇

水煎溫服

五味子湯 四十四

五味子半兩 麥門冬 人參 杏仁 陳皮二錢

右五錢薑棗煎

不卧散 四十五

川芎一兩 石膏七錢 藜蘆半兩 甘草 人參 細辛各二錢

右為末口噙水搐鼻少時飲白湯半碗汗出而解

一方無人參細辛

川芎湯 川芎 藜蘆 蒼木等分

右為末湯調三錢須臾嘔汗便解

柴胡飲子

柴胡 人參 甘草 大黃 當歸 芍藥

右剉五錢薑五片水煎 宣武加半夏五味子桔梗

劉庭瑞方 四十五

柴胡 甘草二兩 黃芩 當歸 芍藥一兩 半夏 大黃



大勞熱五七分以為度

北金散 四十六

荊芥 麻黃

白芷 細辛

何首烏 菊花

防風

石膏

川芎

薄荷 全蝎 草烏

送

右為末各等分每服一錢煎服或茶酒釀下

調胃散 四十七

水銀 舶上硫黃

右研至黑服一錢米飲下重者二錢

通神散河間另有六神通解散於此加麻黃發汗最佳和劑方中葱白散於此去黃芩滑石加川芎

白木乾葛亦妙方也 四十八

蒼朮 石膏 四兩 甘草 黃芩 二兩 滑石 六兩

益元散 即天水散 四十九

滑石 六兩 甘草 一兩

右為末水調或如蜜或葱豉湯調一名天水散一名六一散

通聖散 五十一

防風 川芎

當歸 芍藥

大黃 薄荷

麻黃

連翹

芒硝 各半

石膏 一兩 黃芩

桔梗 各一兩

滑石 二兩 甘草 二兩

荆芥

白木

梔子 各二錢半

右剉五錢薑五片水煎

雙解散 五十一

益元散 通聖散 各半兩

右一兩薑葱鼓水煎此藥雙解加減在通聖散

黃連香薷飲 五十二

香薷一兩厚朴半兩白扁豆二錢香連三錢

右劉五錢入酒少許水煎冷服

治腰脚骨節痛不止 用葳靈仙煎酒食前溫服極妙

無憂丸 治一切食積氣積茶積酒積瀉痢氣壅腹脹膨悶肚腹疼痛

黑牽牛十一斤取末檳榔二兩好者猪牙皂角二兩三稜二兩莪朮二兩各用好醋浸濕紙煨香熟取出切碎

右同前藥晒乾為末又用大角二兩煎湯打芡糊為丸每服二錢半白湯送下茶亦可薑湯下

太乙神鍼

羌活 獨活 黃連各四兩麝香二錢 乳香二錢

右用三月三日艾四月八日亦可晒乾打茸入前藥末和勻用好白紙卷包前藥如筋大治風痺

或在腿或在腰在肱灸七炷二七炷三七炷甚效

治風蟲牙疼方

防風去蘆草烏取尖細辛去葉巴豆去殼油

右各味等分為細末擦牙痛處涎出立止切勿嚙下如食飲食以鹽湯灌漱飲無碍

神效追蟲取積感應丸廣大至道高七沈道靈傳

檳榔半斤樟柳根伴管仲半斤大黃半斤三稜四兩雷丸四兩莪朮二兩使君子四兩木香二兩

芫花一兩苦練根皮八兩黑牽牛二斤半取頭醋煮雷丸四兩莪朮二兩使君子四兩木香二兩

自檳榔至牽牛為末外用皂角等三味濃煎汁為丸如梧桐子大每服三錢重

金刀如聖散 又名惡瘡方

茅山蒼木六兩米泔浸一日一夜 白芷二兩川烏臍生用 防風四兩淨 細辛三兩去土 白朮五兩 草烏四兩

川芎四兩雄黃五兩另研細末入藥

右件俱各生用晒乾為末用度

一切金瘡及多年惡瘡用自已小便洗過帖藥立效破傷風緊急用好酒調藥半錢或一錢服之蛇

傷入枯白礬少許調藥付之蝎蜚傷用吐服蓋之汗也如汗不出再服或涎出亦驗傷處付藥可

風狗咬傷處口噙水洗淨將藥貼傷處

湯火傷燙者以新汲水調藥付之

雷頭風并乾濕癬麻痺每服半錢服之立效

蘆薈丸 治小兒瘡疾疳癆肚大腹脹面黃肌瘦脾胃不和驚積食積並皆治之

蘆薈麥藥 胡黃連各一兩 黃連五錢 蕪夷 肉豆蔻 木香 龍膽草各四錢

川練子五十箇 三棱 蓬木各六錢 檳榔八錢 史君子十箇 陳皮 青皮各八錢 麝香一錢

神麴半兩 乾蝦蟇

右為細末薄荷猪膽汁為丸粟米大每服一錢空心米湯下

無價寶一名壯陽丹 專治五勞七傷四肢無力脚腿沉困骨節酸疼面目無光陽痿不起下元虛

冷夢失精液服至十夜面目光滑二十夜老轉少年一月後陽道復原四十夜增進飲食至一百

日萬病皆除冬不寒夏不熱鬚髮不白婦人服之強陰煖子宮陰陽有益最有功效

川練子二兩 牛膝一兩 檳榔一兩 免絲子一兩 研酒浸蛇床子一兩 乾薑五錢 穿山甲一大片 蓮肉

去心一兩 乳香三錢 沉香五錢 白檀香五錢 鹿茸一兩 巴戟一兩 大茴香一兩 仙靈皮三錢 破故

紙五錢 鳳眼草三錢 葫蘆巴五錢 人參一兩 澤瀉一兩 山藥一兩 五味子一兩 熟地黃二兩 麥

門冬 白從容 茯苓一兩各 白芍藥 五錢

右二十七味除乳香沉香白檀香免絲子四味另研為細末其餘二十三味各搗爛為細末同前四味煉蜜為劑同搗一二百千杵丸如梧桐子大每服三十九丸增至十九丸好酒送下以乾物壓之修合之日再加丁香一錢

膏藥方和尚傳

黃香 三斤 麻油 半斤 穿山甲 白芨二味各少許 華麻四十九粒研細

定于藥

白礬一兩火煨 信 五錢 乳香 二錢 沒藥 二錢 辰砂 五分

麵糊為定

生肌散

龍骨火煨 赤石脂火煨各半兩 乳香 沒藥 海鱗硝 輕粉 全蠍洗焙乾各一錢 血竭 二錢

黃丹 一錢

右為末待瘡頭落盡此藥填滿在瘡口上以膏藥貼之一日甘草湯洗二次膏藥一二日一換

追風託裏散

甘草 黃耆 當歸 芍藥 白芷 防風 川芎 官桂 瓜蒞仁

金銀花 桔梗

每服水酒共二鍾煎至一鍾空心服

象牙丸

象牙 五錢 蜂房 三錢 蟬蛻 三錢 木香 三錢 沒藥 一錢 乳香 三錢 全蠍 一 僵蠶 三錢

先將黃蠟半斤化開待黑色過却將前藥為細末入蠟內攪勻傾入水內取出冷定為丸如棗大

每服空心一丸滾酒化開連三日三服待藥從漏痕出隔三日再服第五日再服一丸後下定  
于藥。

傷寒用藥加減賦

萬物之生也人之最靈四時有變兮百疾兆生欲辨陰陽之證必明天地之情稽寒溫表裏之疑式  
明標本施汗下補吐之法溥濟羣生始而毫毛次傳膚腠惡風自汗乃桂枝之證喘熱惡寒則麻黃  
之候陰陽俱虛而身必痒各半同功用大黃代寒熱共作而脈尚虛一二共湊桂枝麻黃各一於是  
助以薑棗雜以豉葱使利惡風者乾薑心悸腹痛者建中脈熱極而煩者入人參於白虎脈煩盛而  
喘者加查子以青龍恍惚下痢而陰虛朱雀取效頭眩肉瞤而水泄玄武當功致使枯梗寬咽甘草  
平肝腹內脹滿兮厚朴薑心中懊憹兮梔子豉小便不利則投之以猪苓臍間有痰則吐之以瓜蒂  
或乃熱作而腹脇脹滿又若狂妄而潮熱發悸或裏以入而表未除或小便澀而大便秘必明大小  
柴胡直敘前後承氣結胸多渴祝侍者議任臨胸譫語發狂委將軍即大黃功先調胃當知青龍十  
棗兮水有表裏三黃四逆兮利有寒溫下利者甘草煩躁者茯苓茯苓四逆湯脈絕用當歸當歸四  
逆湯治濕證亡血須人參四逆加人參汗出加附子附子瀉心湯惡風入黃芩黃芩瀉心湯臍下有  
水則生薑生薑瀉心湯心中嘔逆則人參人參瀉心湯上四者同歸於四逆下四者乃同於瀉心溫  
寒而結積薑三白之功妙生津液而逐水道加五苓之最深吐血則黃耆宜服使膿則桃仁可加黃  
疸茵陳必求之瓜蒂先瓜蒂後茵陳斑毒紫雪當宜用於升麻先升麻後紫雪溫濕之土桂附蒼木  
可入就中之內附子宜加此外若青龍血柴胡有加減之餘識身有餘熱者桂枝脇下硬滿者大黃  
可陪多汗者附子加小柴胡奔豚者桂枝加桂喘者小青龍加杏仁嗽者小柴胡加五味瓜蒂治煩  
渴未除茯苓醫小便不利內寒者姜黃外腫者防己生薑止嘔半夏瘰癧用枳殼兮綠酒毒留胸有  
黃蘗兮因衄血出鼻或得人參以除煩或取茯苓而愈悸頭疼如破葱白連鬚咳逆欲絕乾柿併蒂

下利則乾薑身痛則施豉豈二方之獨用亦衆藥之同推妙哉吾今精此四十餘年活人之功嘗識

附河間傷寒心要

傷寒心要論

都梁錙

洪編集

新安吳勉學校正

夫傷寒者前三日在表法當汗可用雙解散連進數服必愈若不解者病已傳變後三日在裏法當下殊不知下之太早則表來虛入裏遂成結胸虛痞懊憹斑疹發黃之證輕者必危危者必死但當以平和之藥宣散其表和解其裏病勢或有汗而未愈或無汗而愈當用小柴胡涼膈天水三藥合而服之

病若半在表半在裏法亦當和解三小柴胡涼膈主之

若裏熱微者則當微下四大柴胡合解毒湯主之熱勢未退又以大柴胡合三一承氣下之兩除表裏之熱病至七八日裏證已甚表熱漸微脈雖浮數則以三一承氣合解毒下之

其病胸膈滿悶或喘或嘔陽脈緊甚者可用瓜萸散涌之

汗吐下三法之後別無異證者涼膈散調之

大熱已去微熱者以益元散服之無令再病此傷寒治法之大要也

或傷風自汗脈浮緩者十雙解去麻黃以汗之

其病半表半裏十一白虎湯和解之

病在裏脈沉細者無問風寒暑濕或表裏證俱不已或內外諸邪所傷有汗無汗心腹痛滿譫語煩躁畜熱內盛但是脈沉者並用十二承氣合解毒下之

或中暑自汗解以白虎湯

立秋後不用白虎于和云若有白虎證亦不用乎却用詳審之耳

白虎解後以五苓合天水調之多進數服無妨

或腹脹滿脈沉者亦當承氣合解毒微下之

或發汗之後熱不解脈尚浮者十六白虎加蒼朮再解之

或裏熱內盛陽厥極深皆因失下而成此證以致身冷脈微昏憒將死切不得以寒藥下之誤下即

死又一輩庸醫妄言是陰厥便欲易換用玄武四逆溫熱之劑投之下咽立死殊不知此證乃陰耗

陽竭陰氣極弱謂之耗陽厥極深謂之竭畜熱拂鬱將欲絕者凡此之證寒劑熱劑俱不可投但進

涼膈解毒十七以養陰退陽宜散畜熱脈氣漸生得大汗而愈使汗氣和而愈者

未愈却解毒合承氣十八下之次以解毒涼膈天水合而為十九調和陰陽洗滌臟腑則其他

證自不生矣

有大下之後熱不退再三下之熱愈盛若下之不愈脈微氣虛力弱不加法則無可生之理若輟

而不下則邪熱極盛陰氣極衰脈息斷絕必不可救似此之證是下之亦死不下亦死醫者到此活

人殺人一彈指間其不至手足失措者幾希矣直格云傷寒汗後汗出不解或反不汗脈尚浮白虎

不巳白虎加蒼朮人參一服如神汗止身涼此通仙之法也如汗下後熱不退不問有汗無汗通宜白虎加蒼朮解之又加人參亦妙仍服涼膈解毒調之

經云三下而熱不退者即死後人有四五次下以十數行而生者此乃誤中耳活者未一二死者千

百後學切不可以為法但當依前用解毒合涼膈調之使陽熱徐退陰脈漸生庶不失命

若傷飲不解散成結胸之證臨時擇用二十大小陷胸湯丸累下之脈浮者不可下是表證未出小

柴胡合小陷胸湯二十一投之脈雖浮而熱太極者二十二承氣徐徐疎利之

或有留飲過度濕熱內生自利小便濕熱未退以解毒湯治之

陽證生斑二十四涼膈加當歸

佛鬱熱盛在表燥而無汗濕熱在裏不能發於外相搏遂成發黃二十五茵陳湯調五苓散

十六茵陳合承氣下之  
煩心不得卧二十七梔子湯



誤下太早遂成結胸虛痞二十八涼膈加枳殼桔梗剛柔二症謔語發狂踰垣赴井皆陽熱極盛者

二十九承氣合解毒下之

汗下之後煩渴飲水則三十涼膈減桂五苓甘露益元選而用之小便不通五苓泄之大便閉結承氣下之更有外證加減通聖散方內隨證用藥

婦人證治皆然惟孕婦三四月并七八月不用硝其餘月分用之無妨小兒減劑服之

此中有古人治傷寒不傳之妙後之學者其慎寶之

第一雙解散

防風通聖散

防風去蘆川芎

當歸焙

赤芍藥

大黃

麻黃

連翹

芒硝半兩石膏

黃芩去腐桔梗一兩

甘草二兩

滑石三兩

荆芥

白朮

梔子二錢

半錢

芒硝半兩石膏

右為散每服三錢水一盞薑三片煎六分溫服大黃芒硝麻黃三味對證旋入自利去大黃芒硝

自汗去麻黃

天水散 益元 六一

滑石六兩甘草一兩

右為末每服三錢溫蜜水調暑月冷水亦可和解傷寒傷風發汗葱白五寸豆豉五十粒煎一盞調四五錢并三服解利為度加薄荷尤妙

通聖合益元

右七兩和勻每服三錢水一盞半葱白五寸豆豉五十粒薑三片煎一盞溫服

第二小柴胡涼膈天水合服

小柴胡湯

北柴胡 三兩 黃芩

人參

半夏

生薑

甘草

大棗 一兩

右為散每服五錢

涼膈散

連翹 二兩 梔子

大黃

薄荷

黃芩 一兩 甘草

芒硝

右為散每服三錢水一盞煎七分入蜜少許竹葉五片

第三涼膈合小柴胡

第四大柴胡合黃連解毒湯

大柴胡湯

柴胡 去苗 大黃 半兩 黃芩

白芍藥 一分 半夏 泡七次 枳實 生三錢

右為散分三服水一盞半生薑三片大棗一枚煎半盞溫服

黃連解毒湯

黃連 黃蘗

黃芩

梔子 等分

右為散每服一兩水一盞煎五分溫服

第五大柴胡合三一承氣湯

三一承氣湯

大黃 芒硝

厚朴

枳實 各半兩

甘草 一兩

右剉每服二錢半水一大盞薑三片煎六分入硝再煎一二沸

第六承氣合解毒湯

第七承氣散

瓜蒂 赤小豆等分

右為末豆豉湯調下一錢未吐再服

第八涼膈散

第九益元散

風

第十雙解散

第十一白虎湯

知母兩半 甘草一兩 粳米一合 石膏四兩

右剉每服五錢水一椀煎六分溫服

第十二承氣合解毒湯

暑

第十三白虎湯

第十四五苓散合天水散

五苓散

猪苓 茯苓三錢 官桂一分 澤瀉一兩 白木一錢 活人書三分宜明論半錢

右細末

第十五承氣合解毒湯

第十六白虎湯加蒼朮

第十七涼膈合解毒湯

第十八解毒合承氣湯

第十九解毒涼膈天水合

結胸

第二十大小陷胸湯丸

大陷胸湯

大黃 芒硝 三錢 甘遂 三字七

右剉四錢水一觥煎。大黃六分內消。再煎一二沸內甘遂溫服。未利再與。

小陷胸湯

半夏 四錢 生薑 切 黃連 二錢 栝婁實 半箇

右剉水三盞煎栝婁實至盞半內藥煎至一盞分作兩服。

大陷胸丸

大黃 半兩 葶藶 二錢 芒硝 一錢 杏仁 十二枚 去皮尖

右大黃為末。研葶藶杏仁為骨。圓如彈子大。甘草末三字。蜜半匙。水一觥煎半觥。溫服。一丸一宿

若下未利再與

第二十一小柴胡合小陷胸湯

第二十二承氣湯

大黃 綿紋 芒硝 枳實 各半

右剉如麻豆大。分一半。用水一碗。生薑三片。煎至六分。納硝煎一二沸。絞去滓。熱服。

第二十三解毒湯

發斑

第二十四涼膈散加當歸

發黃

第二十五茵陳湯調五苓散

茵陳湯

茵陳一兩 大黃半兩 梔子十枚

右剉水二盞煎一盞溫服利為度

第二十六茵陳合承氣

煩心不腫

第二十七梔子豉湯

梔子七箇 豆豉二合

右水二盞先煮梔子盞半內豉水半盞

第二十八五苓空腸煎涼膈加桔梗枳殼

剛柔二症

第二十九承氣合解毒湯

汗後煩渴

第三十涼膈減桂 五苓 甘露 益元散

甘露飲

茯苓 澤瀉 甘草 石膏 寒水石二兩 白朮

右為末每服三錢湯調或新汲水薑湯尤妙

右共十八方如無大承氣條第五一承氣代之亦妙通三十九件藥味調理傷寒曲盡其妙百

發有中後之學者詳辨脈證審而用之起沉痾於指掌策奇功以活人方知其妙也

新增病後四方

小半夏湯治汗下後嘔吐不已

半夏五兩赤茯苓三兩

右剉每服半兩水二盞煎至一盞半薑汁更前一二沸

五味子湯治汗下後氣閉咳嗽

五味子半兩麥門冬

右剉每服二錢水二觔煎一觔作二服

大橘皮湯治汗後胃虛

陳皮甘草一兩人參二兩

右剉每五錢水盞半薑二片煎至一盞溫服

赤茯苓湯治胸膈滿悶頭痛已得汗者

陳皮甘草人參半夏川芎

右剉每服五錢水盞半薑三片煎一盞溫服

傷寒心要餘論

五臟六腑應五運六氣凡病微則當其本化甚則兼其鬼賊之化亢則害承乃制微則是其本經本臟之本化造化之化也病甚則如金衰不能制木木則生火木火者皆陽也故風火多兼化則風熱相搏賊其金也

臟腑之氣應乎三陰三陽實則行乎本化之氣瀉之衰則行其勝己之氣瀉之是為殺其鬼賊也

如諸陽蓄熱以涼膈合解毒服之解散極熱

如瀉火熱解毒調胃承氣是也

陳皮 杏仁 生薑一錢 棗子二枚

白木 等分

如吐法用二仙散

如調理傷寒白虎涼膈合服解之

傷寒三日以裏連進雙解如無汗必是傳變待三四日之間以小柴胡解表裏之熱仍間服白虎涼膈蘊熱七八日之間欲下而表證猶在以大承氣湯大柴胡湯雙行并煎攻裏發表最為穩當若是溫熱內甚自利者止涼膈却進解毒問白虎服之或惡心乾嘔吐者白虎大作一劑調解毒末五錢服之即止大小便不通併有腹痛不能忍者以無灰酒煎朴硝三兩熱服即愈亦按從治之法也熱中伏寒下之矣或大承氣湯加木香瀉之尤妙

傷寒失下始病時又誤服麻黃熱劑大甚必致熱極或有陽厥極深身冷脈微陽極似陰之證庸醫以為陰證是也須當急救其陰以白虎涼膈日進三服脈氣漸生身體漸溫然後以大承氣下之夫大承氣救急之妙劑如咽膈吐逆不利當令熱服開其鬱結利而即愈也

如傷寒汗下之後自汗虛熱不止於白虎湯加入人參蒼木一服如神汗止身涼此法至妙不容詳盡如赤白痢先服黃連阿膠丸次服解毒湯

傷寒瘡瘍破傷風與傷寒治法一同但以雙解湯與白虎承氣臨時斟酌用之雙解涼膈白虎瀉心此理傷寒之妙劑

孕婦臨月可服益元涼胎產後仍服如血不盡則以涼膈與四物合煎調理經血甚者大承氣合四物乃瀉中之有補也

涼膈同四物名玉燭散婦人產後之妙劑

涼膈四物合大承氣湯名三和湯

大承氣合四物治婦人一切血積血聚等疾加紅花尤妙初生小兒五七日有熱證不得已只以益元散時時灌之如小兒夜啼用涼膈調之肚飢臨睡服

傷寒心要

凡瘡瘍癰疽涼膈加當歸治之



附張子和心鏡別集

鎮陽常 德編集

新安吳勉學校正

傷寒

傷寒論雙解散

守真制雙解散通聖益元各七八分。入生薑葱白煎。解傷寒三二日間。以其初覺亦傷寒疑似之間。解表恐傷於內。然攻裏恐傷於表。故制雙解以其表裏齊見俱解。甚為得法。然間有不解。猶未盡善也。子和增作法亦用前藥煎一椀。令飲其半。探引出風痰。次服一半。仍用酸辣湯投下。使近火衣被。覆蓋汗出則解八九分矣。此法子和得之規繩之。八世所未知也。

論發汗

世人只知桂枝麻黃發汗。獨不知涼藥能汗。大有盡善者。熱藥汗不出者反益病。涼藥發之百無一損。素問云辛旨發散為陽。白粥配葱食之便能發汗。益元加薄荷亦能發汗。承氣用薑棗煎以辛甘發散之意。守真雙解子和演為吐法。豈非涼藥亦能發汗也。

論攻裏

攻裏之藥當用寒涼。世人畏之。是不知藥隨病而俱出。何曾留於中乎。桂枝下咽。陽盛則斃。承氣入胃。陰盛乃亡。此語惑人久矣。鮮有解者。因有知幾窮理。偶於守真醫書註中。稍見其意。此陽實陰實。陽實發散。陰實宣泄。不同。實謂不受病也。陰實本不受病。何用承氣宣泄。反之則有斃亡之失也。此二句蓋謂傷寒之設也。

論攻裏發表

素問云攻裏不速寒。發表不速熱。啟玄子云世人直疑攻裏合用寒藥。發表合用熱藥。似是而非也。蓋攻裏不速寒。是不速司氣之寒。雖嚴凝盛寒之際。若合攻裏不可畏天寒而不用寒藥。發表不速

傷寒心錄

熱者是不遠司氣之熱雖流金燁石炎蒸盛暑合用發表之藥不可畏暑而不用熱藥此不遠寒熱之理也

得衣撮空何臟所主

得衣撮空許學士說作肝熱風淫未疾故手為得衣撮空此論雖當莫若斷之為肺熱以為愈矣其人必譫語妄言經曰肺熱必為譫語兼上焦有病肺必主之手經者上焦也二者皆當其理果何如哉天地為體用肺為體肝為用也肝主諸血者陰物也此靜體何以自動蓋肺主氣氣所鼓舞故靜得動一說肝之用者一說肺之用者此天地至為體用二者俱為當也是知用臟血自寅至申行陽二十五度諸陽用事氣為肝所使肺主氣自申至辰行陰二十五度諸陰用事肺為所用

傷寒口傳足經不傳手經論

傷寒口傳足六經仲景本論無說古今亦無言者惟龐安常謂主生故太陽水傳足太陰土土傳足少陰水水傳足厥陰水為賊邪蓋牽強穿鑿胡不觀內經陰陽雜合論云太陽根於至陰名陰中之陽少陽根起於厥陰名陰中之少陽太陰根起於隱白名曰陰中之太陰少陰根起於湧泉名陰中之少陰厥陰根起於大敦名曰陰中之厥陰其次序正與此合太抵傷寒始因中風得之於陰是以正傳足經者陰中之陽陽中之陰也又以六氣考之厥陰為初之氣少陰為二之氣太陰為三之氣少陽為四之氣陽明為五之氣太陽為終之氣此順也逆而言之正與此合緣傷寒為病逆而非順也

亢則害承乃制

假令水為母木為子當春旺之時冬令猶在即水亢也水既亢極則木令不至矣木者繼冬而承水也水既亢則害其所承矣所以木無權則無所制土主所旺則水受制噫夫人必自侮然後人侮之旨哉木黃春之令也水受土制熱剋其寒變而為濕

皆以木黃春之令也水受土制熱則其寒變于水

集終

L783L

1909

v. 8